



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:02-11-3-2490-9/23

Datum: 20.09.2023.godine

Na osnovu člana 70. stav 1. i stav 4. a u vezi sa članom 69. stav 2. tačka d) Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) i Zapisnika o pregledu i ocjeni ponuda od 19.09.2023.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

O D L U K U

poništenju postupka javne nabavke

I

Poništava se postupak javne nabavke roba "Rekonstrukcija unutrašnjosti kino sale u objektu Centra za kulturu i obrazovanje Tešanj (zamjena stolica u kino sali sa rekonstrukcijom podne i zidne obloge)" koji je objavljen na Portalu javnih nabavki dana 07.08.2023.godine u otvorenom postupku javne nabavke pod brojem: 375-1-1-193-3-101/23, obavještenje o nabavci objavljeno u Sl.gl. BiH broj:56/23 dana 11.08.2023.godina pod brojem:Sl-29776-23.

II

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

III

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

O b r a z l o ž e n j e

Postupak javne nabavke roba, "Rekonstrukcija unutrašnjosti kino sale u objektu Centra za kulturu i obrazovanje Tešanj (zamjena stolica u kino sali sa rekonstrukcijom podne i zidne obloge)" pokrenut je Odlukom o pokretanju postupka broj:02-11-3-2490-2/23 od 07.07.2023.godine. Odabran je otvoreni postupak javne nabavke, koji je objavljen na Portalu javnih nabavki dana 07.08.2023.godine u otvorenom postupku javne nabavke pod brojem: 375-1-1-193-3-101/23, obavještenje o nabavci objavljeno u Sl.gl. BiH broj:56/23 dana 11.08.2023.godina pod brojem:Sl-29776-23, procijenjena vrijednost javne nabavke bez PDV-a je 120.000,00KM a kriterij za dodjelu ugovora je najniža cijena.

U ostavljenom roku za dostavu ponuda pristigla je jedna ponuda i to ponuda ADŽE CLASSIC doo Tešanj.

Komisija za javne nabavke imenovana rješenjem Općinskog Načelnika broj: 02-11-3-2490-4/23 od 21.08.2023. godine izvršila je dana 08.09.2023.godine javno otvaranje ponuda o čemu je sačinila Zapisnik sa otvaranja ponuda i isti uz Zapisnik o zaprimanju ponuda prosljedila prosljedila ponuđaču.

Komisija je na zatvorenoj sjednici izvršila provjeru formalne ispravnosti sadržaja pristigle ponuda, te ustanovila da je ista formalno neispravna, naime ponuđač ADŽE CLASSIC doo Tešanj je na strani 10. ponude dostavio ovjerenu kopiju Potvrde ASA Banka od 04.08.2023.godine koja je u odnosu na dostavljanje ponude starija datumski od 30 dana. Naime tačkom 13.2.2. tenderske dokumentacije propisano je da je ponuđač uz ponudu obavezan dostaviti "običnu kopiju Potvrde banke (ne stariju od 30 (trideset) dana u odnosu na datum podnošenja ponude) kod koje ponuđač ima otvoren Glavni

račun za poslovanje (na potvrdi naznačiti da se radi o glavnom računu za poslovanje), da račun nije blokirao u posljednjih 3 (tri) mjeseca", kako je potvrda izdata dana 04.08.2023.godine a ponuda je dostavljena dana 07.09.2023.godine ista je starija od 30 dana, te samim tim i ponuda ponuđača je formalno neispravna, jer ne sadrži potvrdu koja se uklapa u rok važenja od 30 dana kako je propisano tenderskom dokumentacijom;

Zapisnikom o pregledu i ocjeni ponuda broj:08-11-3-2490-8/23 od 19.09.2023.godine Komisija je u skladu sa članom 69. stav 2. tačka d) Zakona o javnim nabavkama preporučila ugovornom organu da poništi postupak javne nabavke roba "Rekonstrukcija unutrašnjosti kino sale u objektu Centra za kulturu i obrazovanje Tešanj (zamjena stolica u kino sali sa rekonstrukcijom podne i zidne obloge)".

Uzimajući u obzir sve navedeno odnosno imajući u vidu činjenicu da pristigla ponuda nije prihvatljiva odnosno ista je formalno neispravna, to je primjenom člana 69. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) odlučeno kao u tački I dispozitiva ove Odluke.

Pouka o pravnom lijeku: Žalba na Odluku o poništenju postupka javne nabavke izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14 i 59/22).

DOSTAVLJENO:

1. Ponuđač,
2. Služba za društvene djelatnosti i investicije,
3. Web stranica Općine Tešanj, elektronski
4. Predmet.



OPĆINSKI NAČELNIK

mr.sci. Suad Huskić